

شاهد عيان: الشباب تلقوا الرصاص بصدور عارية ولم يتراجعوا □□ إنهم يحبون الشهادة بصدق



السبت 27 يوليو 2013 12:07 م

نافذة مصر

كتب عمرو مدحت أحد شهود العيان على مجزرة المنصة عبر صفحته على "الفيس بوك" واصفا ثبات الأبطال والشهداء من الشباب في رابعة العدوية وهم يقبلون على الموت فداء لحرية وطنهم بصدورهم العارية، قائلا:

"إنهارة كانت مجزرة بس برضه كانت معركة مشرفة ... الناس دي وقفت وقفة رجالة قصاد كلاب الداخلية والبلطجية اللي معاهم .. أنا طول الوقت ضد الإخوان .. بس مش هقدر معترفش إن الناس دي شفتم إنهاردة واقفين وقفة رجالة بجد بصدورهم في مواجهة الرصاص .. يشيلوا الشهداء ويرجعوا يقفوا مكان اللي مات .. واحد يتأكد إن صاحبه مات ويرجع يكمل .. أصحاب العربيات بيتضرب عليهم نار وواقفين علي أول خطوط النار زي الأسود عشان يشيلوا المصابين والشهداء .. المستشفى الميداني مكاتتش مستشفى .. كانت عبارة عن مشرحة للموتي .. متخيل يعني إيه فجأة وإنت في المستشفى الميداني تلاقي كل المصابين اللي جاينين ماتوا؟ .. الدم علي الأرض الناس بتترحلق فيه من كتر ما الجثث كثير .. أوضتين إتملوا بالجثث .. الشباب بتنطق واحد الشهادة بسرعة عشان تلحق تنطق واحد غيره .. لما توصل لمرحلة إن اللي مضروب برصاص في رجليه أو كتفه دة يبقي حالة بسيطة .. في مقابل سيل غزير من المصابين في رأسهم وصدورهم .. طوال السنتين كان الواحد بيثيل جثث ميتة .. بس إنهاردة أول مرة ناس تموت علي إيدي .. أول مرة أشوف مراحل إنتهاء حياة واحد .. من مرحلة التألم □□ للتنفس بصعوبة .. للغرغرة .. لتعليقة العين .. للموت .. كل دة في أقل من دقيقة .. لما تلاقي واحد مصاب يلقتك إسمه ومحافظته بكل هدوء عشان هو عارف إنه يموت خلاص .. إختلاط مشاعرك بعد سماع صوت الرصاص وهو بيعدي من جيب دماغك .. متعرفش تبقي مبسوط عشان الرصاصه مجتش فيك ولا تزعل عشان متأكد إن الرصاصه جت في واحد جيبك .. منظر مخ الناس علي الأرض بقي شكل مألوف عند المنصة من كتر ما الإصابات في الرأس كثير .. ريحة الدم مختلطة بريحة الغاز .. اللي يقولك كان فيه سلاح مع الإخوان .. إديله علي وشه وقوله الناس دي كان سلاحها إنهاردة الدعاء .. مع إحساسك بالعجز إنك شايف الداخلية جميعها ناس بلطجية ومعاهم سلاح آلي وخرطوش وبيضربوا وإنت ممعكش غير طوب□□ عموماً إنهاردة شفت يعني ناس تحب الشهادة بجد .. إنهاردة كانت صفحة جديدة في الثورة".